



Inatsisartuni ilaasortaq  
Erik Jensen  
Siumut

## Royal Greenland A/S pillugu § 37 naapertorlugu apeqquteqaammut nr. 002 -2020-imut akissut

Asasara Erik Jensen

Brevdato: 21-01-2020  
Sags nr.  
Akt id. 2020-1526  
P. O. Box 1601  
3900 Nuuk  
Tel. (+299) 34 50 00  
E-mail: isiin@nanoq.gl  
www.naalakkersuisut.gl

Inatsisartut suleriaasianni § 37 naapertorlugu Royal Greenland-mut tunngasunik Naalakkersuisunut apeqquteqarsimavutit. Apeqqutitit suliassaqarfimmut innersuunneqarsimapput, tulliuuttumilu akineqarlutik.

### 1. Royal Greenland-ip kilisaataani inuttat qanoq amerlatigisut Kalaallit Nunaata avataani najugaqarpad (adresse-qarpad)?

**Akissut:** Royal Greenland imatut paasissutissiivoq, piffissami matumani Ingerlatitsivissuup aqumiut sulisui 51-it Kalaallit Nunaanni najugaqartutut nalunaarsorsimapput, aammalu aqumiut 9-it Kalaallit Nunaata avataani najugaqartutut nalunaarsorsimallutik. Royal Greenlandip ilisimatitsissutigaa Ingerlatitsivissuup ingerlaavartumik aqumiut Kalaallit Nunaanni najugaqartut amerliartortinneqarnissaat, ersarissunik pitsaaqutissaqarmat sulisussat nunatsinniit sulisussarsiarineqartarneri. Tamannalu ilaatigut pisarpoq aqumiussatut aspirantit atorfinitsinneqartarnerisigut, maannalu piffissami matumani taamatut sulisuusut 12-iupput, neriutigaarpullu sapinngisamik taakkunannga amerlanerpaat umiarsuarni aqumiunngorumaartut, - tamatumunngalu Royal Greenland A/S siunnersuisarpoq, ikiorsiisarpoq tapersersuisarlunilu.

### 2. Royal Greenland-ip kilisaataataani inuttaqarpa nunatta avataani najugaqaralutik Nuummi qullersaqarfiup ataani adresselinnik? Aappiuppat qassit?

**Akissut:** Royal Greenland A/S imatut paasissutissiivoq, Ingerlatitsivissuup taaneqareersutut inuttalersuisarnermut malittarisassat atuuttut maleqqissaartarpaat, Namminersorlutillu Oqartussat malittarisassat atuuttut malinneqarnissaat pillugu peqqissaartumik nakkutilliisuupput. Ingerlatitsivissuarmit kissaatiginnilarput ersarinnerusumik

paasissutissiissutigissallugit sulisut inunnut allattorsimaffinni nalunaarsorsimaneri, soorlutaaq malittarisassat atuuttut naapertorlugit taamaaliornissamut pisussaaffeqanngitsugut.

Ingeratitsivissuup nassugiaataa tunngavigaakka.

### **3. Royal Greenland-ip kilisaataataani inuttat Kalaallit Nunaata avataani najugallit Kalaallit Nunaannut akileraartarpat?**

**Akissut:** Akileraartarnermut Aqutsisoqarfik inuit ataasiakkaat akileraartarnerannut atugarisaat pillugit paasissutissanik tamanut saqqummiussaqaarneq ajorpoq, tassani ilaallutik ingerlatseqatigiiffimmi aalajangersimasuni inuit eqimattunut tunngasutut akileraartarnermut atugarisat.

Aningaasarsianit akileraarutit pillugit inatsisip kinguneraa sulisut Kalaallit Nunaanni najugaqartut tamakkiisumik akileraartussaataitanerat. Sulisut Kalaallit Nunaanni angerlarsimaffeqanngitsut killeqartumik Kalaallit Nunaanni akileraartussaataitaapput umiarsuarni Kalaallit Nunaanni angerlarsimaffilinni sulinerminnut aningaasarsiaminniit. Nalunaarneqartut kingunerisaannik aalisariutini Kalaallit Nunaanni angerlarsimaffilinni sulisuusut tamarmik sumiluunniit najugaqaralarunik Kalaallit Nunaanni akileraartussaataitaapput.

Isertitat pineqartut isertitatut A-tut isigineqartussaapput, tamatumalu kingunerisaannik sulisitsisup akissarsisitsilernermini akileraarutit ilanngaatisussaallugit.

Aammattaaq nunat arlallit peqatigalugit, ilanngullugu Danmark marloriaammik akileraartarnermut tunngasunik isumaqatigiissutinik Kalaallit Nunaata atsiugaqarsimanera sianigeqquneqarpoq.

### **4. Royal Greenland-ip Danmark-imi sulisui 200 sinnillit Danmark-ip sulisut akileraarutaatigut qanoq annertutigisumik pissarsissutigisarpai?**

**Akissut:** Siullermik eqqaasissutigissavarput akissuteqaaterput apeqquteqaatip kalaallisoortaa tunngavigalugu una apeqqut akineqarmat.

Akileraartarnermut Aqutsisoqarfik inuit ataasiakkaat akileraartarnerannut atugarisaat pillugit paasissutissanik tamanut saqqummiussaqaarneq ajorpoq, tassani ilaallutik ingerlatseqatigiiffimmi aalajangersimasuni inuit eqimattunut tunngasutut akileraartarnermut atugarisat.

Nunami allami innuttaasunut najugaqartunut isertitanut akileraartitsinnaatitaaneq pillugu apeqqut marloriaammik akileraartarnermut isumaqatigiissutinik aallaaveqartumik inatsisilersugaasarput. Nalinginnaasumik innuttaasut nunani allani najugallit isertitassaat akileraaruserneqarneq ajorput.

Taamaattorli aalajangersimasunik pinngitsuusoqarsinnaavoq, soorlu apeqqut 3-p akissuteqarfiunerani eqqaaneqartutut.

Ingerlatseqatigiiffissuullu ukiumoortumik 2018-imut tunngatillugu nalunaarussiaani sulisut pillugit takussutissiamiit ilisimatitsissutigineqarsinnaavoq sulisuusut tamarmiusut 2.228-inik amerlassuseqarsimasut, taakkunanngalu 1.487-it (67%-it) Kalaallit Nunaanni suliffeqartuusimasut, 205-it (9%-it) Danmark-imi aammalu 536-it (24%) nunani allani.

Royal Greenland A/S tassunga ilanngullugu paasissutissiivoq suliffeqarfissuup anguniagarigaa aningaasaqarnikkut sapinngisamik annertunerpaanik inuiaqatigiinnut kalaallinut naleqarnerulersitsisarnissaq, Namminersorlunilu Oqartussanut ingerlatseqatigiiffissuarmik piginnittuusumut ingerlatseqatigiiffittut akileraartarnissaq, sulisunit akileraarutitik akiliuteqartarnissaq, akitsuutitik akiliuteqartarneq aammalu iluanaarutinit akiliuteqartarneq.

2019-imut ukiumoortumik nalunaarussiaq qaammatini aggersuni tamanut saqqummiunneqassaaq, kisitsisillu eqqaaneqareersut nutarterneri malinnaatinneqarumaarput.

Royal Greenland A/S sulisuni imaluunniit suleqatigiiat qanoq annertutigisumik akileraartarnersut paasissutissaatiginngilaa, tamanna sulisup akileraatarnermullu pisortaqaarfiup akornanniippoq.

## **5. Ilumut Naalackersuisusut isumaqarpat atorfiit taamak amerlatigisut Danmark-imi inissisimassasut?**

**Akissut:** Uani akissuteqaammi Naalackersuisup Siulittaasoqarfianut akissuteqaatissamut paasissutissanik pissarsisimavunga.

Royal Greenland A/S tassaavoq ingerlatseqatigiiffik, niuerfiusumilu unammilleqatigiiffiusumi ingerlatsisusooq. Nalinginnaasumik naalackersuinikkut suliaqartunit akuliuffigineqannginnissaq tungavigalugu ingerlatseqatigiiffiup aningaasarsiornikkut iluanaaruteqarfiusussanik ingerlatsinera, tamatumani aamma ingerlatseqatigiiffissuup niuerfiusunik unammilleqatigiinnermullu tunngaveqartumik qanoq aaqqissuussaanissaa.

Naalackersuisut ingerlatseqatigiiffissuarmik piginnittuusutut periusissiat pingaarnert aammalu ingerlatseqatigiiffiup pilersaarutai ingerlaqqittumik ineriartortitsinissamik tunngaveqartut malinnaavigai, ataqqillugu ingerlatsivissuup niuernermi pisariaqartitai ingerlatsinermi kiffaangissuseqarneq, anguniagaasullu sapinngitsumik annertunerpaatigut inuiaqatigiinnut kalaallinut iluaqtissarsiortarneq.

Qulaani taaneqartut tunngavigalugit aammalu maleruagassat akisussaaqatigiinnerillu agguataarneri piginneqatigiiffiup aqutsisui aammalu piginnittut akornanni ingerlatitsivissuup aqunneqarnera ingerlatsineranullu Naalakkersuisut apeqquteqaatinut tunngavissaqartinngilaat.

**6. Royal Greenland-ip Danmark-imi allaffissuarmi sulisui nunatsinniilernissaat Naalakkersuisut anguniarpaat? Aappiuppat, qaqugu timitalerneqassava? Naamiuppat, suna peqqutigalugu?**

**Akissut:** Uani akissuteqaammi Naalakkersuisup Siulittaasoqarfianut akissuteqaatissamut paasissutissanik pissarsisimavunga.

Apeqqutip 5-ip akineqarnera naapertorlugu ilanngullugu paasissutigissavara ingerlatitseqatigiiffissuup Kalaallit Nunaani sulisui 2014-miit 979-miit 1487 mut amerleriarsimasut. Annertuseriaat 52 % ukiut tallimat ingerlaneriinnaani pisimavoq. Piffissami tassani sulisut nunatta avataaniittut ikileriarsimapput.

Naalakkersuisut isumaqarput ineriartorneq Kalaallit Nunaata ineriartorneranut iluaqutaasoq, tassani ilaallutik sulisut, akileraartarneq aammalu ilinniarnissamut nunatsinni periarfissat amerlineri.

Inussiarnersumik inuulluaqqusillunga

Med venlig hilsen



Jess Svane